



ԾԱՅՐԱԳՈՒՅՆ ՎԱՐԴԱՊԵՏԱԿԱՆ ԱՍՏԻՃԱՆԻ ՏՎՃՈՒԹՅՈՒՆ

«Պաշտօն ծայրագոյն վարդապետաց է՝ ունելով պուտուն վարդապետութեան և զգիտութիւն հին և նոր Աստուածային Կտակարանաց, և պաւանութիւն խոստովանութեան ուղղափառ հաւատոյ ի սուրբ Երրորդութեան և ի մարդեղութեան Քրիստոսի Աստուծոյ մերոյ՝ առնել զբեմբաւացութիւնս և ծագէ ի ծագ անխափան քարոյնը»:

(ՄԱՇՏՈՅ ԶԵՌՆԱԴՐՈՒԹԵԱՆ)

Սույն թվականի հուլիս ամսին Մայր Աթոռ Սուրբ Էջմիածնի միաբան, հոգևոր ձեմարանի փոխտեսուչ հոգեջնորդի Տ. Հայկապուն վարդապետ Նաջարյանը Մայր Աթոռ Սուրբ Էջմիածնի դիվանին էր ներկայացրել «Վանականության վերաբերյալ Սուրբ Բարսեղ Կեսարացու որոշ հայացքները ըստ «Գիրք Հարցողացի» աշխատությունը՝ ծայրագոյն վարդապետական աստիճան ստանալու համար:

Քննիչ հանձնախումբը՝ նախագահությամբ Գերագույն Հոգևոր Խորհրդի ատենապետ գերաշնորհ Տ. Սիոն արքեպ. Մանուկյանի, անդամներ՝ հոգևոր ձեմարանի վաստակաշատ դասախոս տիար Պարգև Շահբալյան և «Էջմիածին» ամսագրի խմբագիր, բանասիրական գիտությունների թեկնածու տիար Երվանդ Մելքոնյան, քննելով և բարձր գնահատելով Տ. Հայկապուն վրդ. Նաջարյանի ներկայացրած գրավոր աշխատությունը, խնդրել էր Վեհափառ Հայրապետին՝ թույլ տալ դիտարկանքներն հուլիսի 23-ին հանդես գալու իր թեպի բանավոր պաշտպանությամբ:

Հուլիսի 23-ին, չորեքշաբթի օրը, առավոտյան ժամը 11.00-ին, հոգևոր ձեմարանի հանդիսությունների դահլիճում տեղի ունե-

ցավ Տ. Հայկապուն վրդ. Նաջարյանի ներկայացրած թեպի բանավոր պաշտպանությունը:

Նախագահության սեղանի շուրջ տեղ են գրավել Տ. Սիոն, Տ. Հուսիկ, Տ. Գևորգ սրբապան հայրերը:

Հանդիսությանը ներկա էին նաև Մայր Աթոռի որոշ միաբանություններ, հոգևոր ձեմարանի դասախոսական կապան ու այլ հրավիրյալներ:

Տերունական աղոթքից հետո բացման խոսքով հանդես եկավ քննիչ հանձնախմբի նախագահ Տ. Սիոն արքեպ. Մանուկյանը:

Որից հետո քննիչ հանձնախմբի անդամ տիար Երվանդ Մելքոնյանը ունկնդիրներին ներկայացրեց Տ. Հայկապուն վարդապետի աշխատության մասին քննիչ հանձնախմբի կողմից կապմված կարծիքը՝ ի մասնավորի ասելով.

«Տ. Հայկապուն վարդապետի վերոհիշյալ աշխատությունը նվիրված է Բարսեղ Կեսարացու հայացքներին վանականության մասին:

Հայ իրականության մեջ առաջին անգամ է, որ այսպիսի մանրակրկիտ ուսումնասիրության է ենթարկվում Բարսեղ Կեսարացու «Գիրք Հարցողաց» երկը, որտեղ հարց

ու պատասխանի ձևով տրվում են այն սկզբունքային դրույթները, որոնց վրա պետք է հիմնվի վանական կյանքը:

Հեղինակը քայլ առ քայլ բացահայտում է Սուրբ Բարսեղ Կեսարացու տեսակետները վանական կյանքի անհրաժեշտության, միայնակեցության նկատմամբ վանականության առավելությունների մասին:

Աշխատության ներածական-ուսումնասիրական բաժինը, որ մոտ 100 էջ է, ամբողջական պատկերացում է տալիս Սուրբ Բարսեղ Կեսարացու ըմբռնումների մասին: Մեծ առավելություն է, որ հեղինակը այս կամ այն հարցի առթիվ համեմատություններ է անցկացնում ոչ միայն Բարսեղ Կեսարացու շրջանի նշանավոր գործիչների ըմբռնումների, այլև երբեմն որոշ երևույթներ համեմատում է այսօրվա վանական կյանքի հետ, մի բան, որ աշխատանքը դարձնում է առավել ակտիվական:

Սակայն այս աշխատության մեծագույն արժեքը մոտ 260 մեքենագիր էջ կազմող բնագիրն է, որ հեղինակը կապել է՝ համեմատելով Մեսրոպ Մաշտոցի անվան Մատենադարանի ձեռագրերը մի կողմից և հայերեն բնագիրն ու հունարեն բնօրինակը և նրա անգլերեն թարգմանությունը՝ մյուս կողմից: Ոչ միայն նշված են տարբերությունները հայերեն թարգմանության և հունարեն բնօրինակի միջև, այլև ի պահանջել հարկին տողատակում լրացվել է հայերեն թարգմանությունը: Ճշգրտված են հարց ու պատասխանների համապատասխանությունները և, որ պակաս կարևոր չէ, նշված են «Գիրք Հարցողաց»-ում Ս. Բարսեղ Կեսարացու բոլոր աստվածաշնչական վկայությունները: Բնագիրը որոշ վերանայումներից հետո կարելի է պատրաստ համարել հրատարակության, այսպիսի կարևոր մի թարգմանություն գիտական աշխարհի սեփականությունը դարձնելու համար:

Հարուստ է մանավանդ հեղինակի օգտագործած գրականության ցանկը, որտեղ համեմատորեն սպառիչ կերպով ուսումնասիրված է հարցը. սակայն, ի պատիվ հեղինակի պետք է ասել, որ նա չի կորցրել իր ինքնուրույնությունը և մեզ չի ներկայանում իբրև այլոց կարծիքների սոսկական վերարտադրող. նա բավմիջս իր անհատական վերաբերմունքն է հայտնում այս կամ այն հեղինակի ասածների առթիվ:

Հանձնախումբը մատնանշեց նաև աշխատանքում տեղ գտած որոշ թերություններ:

Այնուհետև հանդես եկավ հոգեշնորհ Հայկապուն վարդապետը՝ ներկաներին ներկայացնելով իր կատարած աշխատանքի մանրամասնությունները:

Հանձնախմբի կողմից տրված հարցերին Ս. Հայկապուն վարդապետի բավարար պատասխաններից հետո, հանձնախմբի նախագահ Ս. Սիրոն արքեպ. Մանուկյանը հրապարակեց քննիչ հանձնաժողովի դրական կարծիքը՝ Ս. Հայկապուն վարդապետին ծայրագույնության աստիճան շնորհելու մասին:

Խմբովին երգված «Հայր մեր»-ով ավարտվեց թեպի բանավոր պաշտպանության հանդիսությունը:

Հավարտ հանդիսության քննիչ հանձնաժողովի անդամները և Ս. Հայկապուն վրդ. Նաջարյանը առաջնորդվեցին Վեհարան, որտեղ Նորին Սրբությունը շնորհավորեց Ս. Հայկապուն վարդապետին և իր գոհունակությունը հայտնեց կատարված աշխատանքի համար:

Հուլիսի 29-ին, երեքշաբթի օրը, առավոտյան ժամը 11.00-ին, Օջականի Ս. Մեսրոպ Մաշտոց եկեղեցում, հանդիսադրությամբ Մայր Աթոռի դիվանապետ գերաշնորհ Ս. Ներսես եպս. Պոպուկյանի, սկսվեց Ս. Հայկապուն վարդապետի ծայրագույնության աստիճանի տվչության հանդիսավոր արարողությունը՝ ըստ Հայաստանյայց եկեղեցու Չեռնադրության Մաշտոցի:

Հանդիսավոր արարողության խարտավիլակի պաշտոնը ստանձնել էր Մայր տաճարի լուսարարապետ գերաշնորհ Ս. Հուսիկ արքեպ. Սանթրոքյանը:

Արարողությանը մասնակցում էին նաև Մայր Աթոռի հոգեշնորհ հայրերն ու սպրկավագները:

Հավարտ հանդիսավոր արարողության հանդիսադիր Ս. Ներսես եպս. Պոպուկյանը, ի շնորհավորումն հոգեշնորհ Հայկապուն ծայրագույն վարդապետի, խոսեց հետևյալ իմաստնալից խրատականը:

Տ. ՆԵՐՍԵՍ ԵՊԻՍԿՈՊՈՍ ՊՈԶԱՊԱՆԱՆԻ ԽՈՍԺԸ

«Հանուն Հօր և Որդւոյ և Հոգւոյն Սրբոյ, ամէն»:

«Կարկառեալ ի վերայ իմ զամենամեծ աջ քո և զօրացոյ վիս շնորհօք գթութեանդ քո: Փարատեալ ի մտաց իմոց զմեզ մթութեան մոռացութեան, ապաքինեալ ընդ նմին զխաւար մեղաց...» (Նարեկ ԼԴ):

Միբելի միաբանակից եղբայրներ և հավատացյալներ:

Մայր Աթոռի միաբաններս ժողովրդով հանդերձ, վերստին բոլորվել ենք այս սրբական վայրում՝ Օջականի Ս. Մեսրոպ Մաշտոցի անվան եկեղեցու կամարների տակ՝ միաբանությամբ համար ավանդություն դարձած վարդապետական աստիճանների տվչության



ԾԱՅՐԱԳՈՒՅՆ ՎԱՐԴԱՊԵՏԱԿԱՆ ԱՍՏԻՃԱՆԻ ՏՎԶՈՒԹՅՈՒՆԻՑ ՀԵՏՈՒ ՐԵՍԿԱՆԻ Ս. ՄԵՍՐՈՊ ՄԱՇՏՈՅ ԵԿԵՂԵՑՈՒ ԱՌՋԵԼ

հոգեպնայլ արարողության մասնակցելու այստեղ, եռամեծ վարդապետի աշխույժների մոտ և նրա հավերժական շնչի տակ:

Պահը որքան հուսիք է և սիրտհարար. քիչ առաջ ազգիս Վեհափառ Հայրապետի հրամանով Մայր Աթոռի միաբան հոգեշնորհի Ս. Հայկապուն վարդապետին Ս. Հոգու ներգործությամբ և բոլորիս աղոթքով շնորհեցինք ծայրագույն վարդապետության տասը աստիճանները, որպես գնահատանք նրա վաստակի և ի գնահատումն նրա ներկայացրած աշխատանքության՝ վանականության ծագման վերաբերյալ:

Մեր սիրտը այս պահին ուրախությամբ է լցված, մանավանդ ի տես Հայաստանյայց Առաքելական Եկեղեցու դարավոր կյանքին, նրա ստեղծած արժեքներին և անսպասելի առաքելական ընթացքին: Հայաստանյայց Եկեղեցին, նման իր ժողովրդին, կյանքում հաղթահարել է բազմաթիվ խոչընդոտներ և դժվարություններ ու հասել ներկայիս երջանիկ հանգրվանին: Նա, ավելի քան երբեք, կյանքի փորձով պորացած՝ ապագան դիմավորում է լավատեսությամբ լեցուն՝ ի տես մեր խաղաղ ու շինարար ամենօրյա երջանիկ կյանքի հայրենի հողի վրա:

Մյուս կողմից, սակայն, քրիստոնեական համաշխարհային Եկեղեցին արդի աշխարհիկ հրապույրներով հագեցած կյանքում գտնվում է դժվարությանց առջև՝ արժանավոր հոգևոր սպասավորներ գտնելու հարցում: Հակառակ գոյություն ունեցող այս դժվարությանց, Հայաստանյայց Եկեղեցու ծոցում թերևս գտնվում են կոչման գիտակցությունը պահող հայորդիներ, որոնք լըցված հավատքով և նախանձախնդրությամբ՝ իրենց գիտակցական ողջ կյանքը նվիրում են Եկեղեցուն, ուր, ինչպես ասում է Ավետարանը, «Հունձք բալում են, և մշակք սակա» (Մատթ. Թ 37):

Ես հայր Հայկապունին ծանոթ եմ նրա ուսանողական տարիներից հոգևոր ձեմարանում. այդ տարիներին վարում էի ձեմարանի տեղի պաշտոնը: Ուսանողական տարիներին նրա մեջ նկատել էի ատաղձը հոգևոր սպասավոր դառնալու: ձեմարանում նա իր ուսումը ամբողջացնելուց հետո Վեհափառ Հայրապետի համաձայնությամբ ուսանելու մեկնեց Լոնդոն: Նույն տարիներին ես իմ հերթին վարում էի առաջնորդական պաշտոն Անգլիայում: Այստեղ նա գտնվում էր իմ անմիջական հոգևոր հսկողության ներքև: Հայր Հայկապունը 1975 թ. փետրվարին իր հոժար կամքով հանձն առավ ձեռնադրվել կուսակրոն քահանա իբրև միաբանության անդամ Մայր Աթոռ Ս. Էջմիածնի: Սա առաջին քահանայական ձեռնա-

դրությունն էր, որ կատարվում էր Լոնդոնի Ս. Սարգիս եկեղեցում: Հայկապուն անունն էի որոշել տալ նրան, ի հիշատակ երջանկափառակ Ս. Հայկապուն արքեպիսկոպոս Աբրահամյանի, որ մի քանի տարի առաջ Մայր Աթոռում վախճանվել էր, և հանգուցյալ սրբապանը ձեմարանում եղել էր և՛ իմ, և՛ ձեռնադրվողի ուսուցիչը: Հետագայում Ս. Հայկապուն արեղան իրեն հատուկ ջանասիրությամբ սովորելով՝ ավարտեց իր ուսման ընթացքը Քինգզ քոլեջի աստվածաբանական ֆակուլտետում: Նա միաժամանակ իր ազատ օրերին գալիս էր կանոնավորապես ծառայելու մեր թեմի եկեղեցիներում և աղյախով մխիթարելու հայ հավատացյալ հոտը:

Այժմ նրա ձեռնադրության օրվանից անցել են ավելի քան տասնամեկ տարիներ: Հայր Հայկապունը վերադարձել է Մայր Աթոռ և այստեղ հինգ երկար տարիներ ծառայել հոգևոր ձեմարանում իբրև փոխտեսուչ, միջոտ հավատով, նախանձախնդրությամբ և անմնացորդ կերպով տվել ձեմարանի սաներին այն, ինչ որ ինքն ստացել էր ուսման տարիներին: Հուրջ երկու տարի առաջ այս նույն սրբապան կամարների տակ նա մեր ձեռքից առացավ մասնավոր վարդապետական չորս աստիճաններ և այժմ որքան խրախուսիչ է, որ նա այսօր, կրկին մեր ձեռամբ, ստացավ Հայ Եկեղեցու ուսումնական բարձրագույն աստիճանը:

Շատ շուտով, մի քանի օր վերջ, հայր Հայկապունը Մայր Աթոռից մեկնելուց է դեպի հեռավոր Հյուսիսային Ամերիկա՝ այնտեղ հովվական նոր պաշտոնի կոչվելու համար: Երբ անցյալ կիրակի օրը նա իր ուխտի պատարագն էր մատուցում մեկնելուց առաջ, այդ առթիվ մենք՝ նրա բոլոր միաբանակից եղբայրներս, մտովի ընկերակցում էինք նրա աղոթքներին և նրա համար հայցում լավագույնը ծառայության նոր ասպարեկում և ցանկանում, որ նա լինի «մշակ առանց ամօթոյ»:

Սիրելի հայր Հայկապուն, իբրև ավագ եղբայր ուզում եմ տալ Ձեզ հետևյալ խորհուրդը. կյանքում և մանավանդ աշխատանքի բոլոր բնագավառներում դժվարություններ շատ կան, դա անժխտելի է, պարզապես համբերությամբ և խրհեմությամբ փնտրեցեք և գտեք միջոցներ խոչընդոտները հաղթահարելու համար: Հոգևոր կյանքում՝ հաջողություն գտնելու գաղտնիքներից մեկն էլ նվիրվածությունն ու հարատևությունն է: Պետք չէ մոռանալ, որ ամեն մեկ խոչընդոտ կամ դժվարություն կյանքում մի նոր դաս է գիտակից մարդու համար: Մենք համոզված ենք, որ Դուք Ձեր կրթությամբ, փորձառու-



թյամբ և հասունությամբ արդեն իսկ պատրաստ էք Ձեզ վստահված ծառայության սրբապան գործը հաջողությամբ ի կատար ածելու:

Նվիրական այս պահին ինձ վրա դրված է մի քաղցր պարտականություն՝ շնորհավորելու Ձեզ, Ձեր ծայրագույն վարդապետական բարձր աստիճանի ատացման առթիվ, ազգիս Վեհափառ Հայրապետ, Նորին Սուրբ Օծություն Ս. Տ. Վազգեն Ա կաթողիկոսի անունից: Մենք՝ Ձեր միաբանակից եղբայրներս և հարապատները, սրտանց մաղթում ենք Ձեզ հաջողություն: Չմոռանաք Մայր Աթոռը, հոգևոր ճեմարանի Ձեր ուսանողական տարիները, ճեմարանի Ձեր սաները, մեր Եկեղեցու նվիրական սրբություններն ու մեր սրբապան երկիրը Հայաստան:

Այս առթիվ հաճելի է ինձ համար այս հուլիս պահին Ձեզ հանձնելու ծայրագույն վարդապետական ականակուռ այս խաչը՝ իբրև խտացյալ գիտակցություն Ձեր հոգևոր պարտականությանը, և վարդապետական քարույքի այս գավապանը՝ առաջնորդելու Ձեզ հանձնված հոտը, Ձեր ուսերին գցելու մանու-

շակագույն այս փիլոնը՝ իբրև խշտյակը Եդիայի, Ձեզ պորացնելու և հավատքով ջերմացնելու համար, որպեսպի այս բոլորով պորացած լծվեք վսեմ գործին՝ աշխարհի խաղաղության և բարօրության և Հայաստանյայց Եկեղեցվո որդիների մխիթարության:

«Քնացեք այսուհետև, աշակերտեցեք ցամենայն հեթանոսս մկրտեցեք վնոսա, լանուս Հօր և Որդւոյ և Հոգւոյն Սրբոյ» (Մատթ. ԻԸ 19). ամեն»:

Հոգեշնորհ Հայկապուն ծայրագույն վարդապետ Նաջարյանին շնորհավորեցին միաբանակից եղբայրները, ինչպես նաև արարողությանը ներկա գտնվող բազմաթիվ հավատացյալներ:

*
* *

«Էջմիածին» ամսագրի խմբագրությունը ջերմորեն շնորհավորում է Ս. Հայկապուն ծայրագույն վարդապետ Նաջարյանին և բարեմաղթում հաջողություններ՝ իր ապագա հոգևոր ծառայության ասպարեզում:

